

Emuhavani Heart Book
Cell phone format

MURIMA WA MUTHU



COPYRIGHT

ISBN 978 - 1 - 920322 - 57 - 1

E-MAIL: info@angp.co.za
ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.

(A Gospel Literature Mission financed by donations)
(Reg. No. 1961/001798/08)

MURIMA WA MUTHU

APALHE

NIGALASI NAWOONELHA MURIMA VA
DHA MAVEKELHO

(Ephwanihero dhijambuliwe thi Khumi)

Bukhulha aambibiwe oFrance muyakha wa 1732, nave ahuulhulhiwa alembiwa wiilhi wihina aphareke mutheko mu elhapo dha mu Africa ni muthu a Mulhuku J.R. Gschwend mu 1929, nave alembiwatho mu elhotelho 250 ni a All Nations Gospel Publishers ayo erina okawa ophiyera olhelho mu elhapo 127. Athu a elhotelho dhithedhene, a malhoko, ni oovekelha erina oholhelhiwa ni bukhulha odhuwelha eparipari ni opalheya wa mutchaka wa Mulhuku wa muthu we m'mo alhotelhe muthu a Mulhuku Ezekieli miyakha 586 Kristu ahinawe, "Kinorowimnyani murima musha ni mupuwelho ananweene ... nave munorokhalha athu aka, nave kinorokhalha Mulhuku anyul!" Ezekieli 36:26-28.

MURIMA WA MUTHU

EMPA YA MULHUKU APALHE

MOPHARELHAMO MUTHEKO SATANA

(1 Yohane 3:4-10)

Munamwelenganyu bukhulha, upuwelhani
wihina ari wenango nigarasi m'mo
munadhonenyu wekhiinyu. Apalhe muri a
othe apalhe oovekelha, apalhe yooyo
ahinaroromelha mwa Kristu apalhe
oohokolwelha mutulhi, munorodhona wekhiinyu
we m'mo anawonelhani Mulhuku. "Muthu
anoona othe, miyaano kinoona m'murimani."
(1 Samueli 16:7). Mulhuku anoona mwem'mo
nikhalhelhehu.

Satana ari athithimnya a dhawootha
dhithedhene. Thi mwene a epiphi ni
mulhuku a elhapo elha, yooyo
aniphwaniphwanihera wenango mungelo a
eparipari wahoolhelha alhopwana ni athiyana
ethilha Yonanara. M'mahikuni yaalha,
wenango mutulhim'mo, wuri amurum'mwa
awootha amchichi, yaayo eniphwaniphwanihera
wenango amurum'mwa a Kristu. Nave
kheyiivo yothikiniha, kambeene Satan
aniphwaniphwanihera wenango mungelo a

eparipari (2 Akorinto 11:13,14). Satana, mulhuku a elhapo elha, ohavitha athu mu epiphini wihina ehinoonaka wihina Mulhuku amnadhivelhiwana apalhe wihina Yesu aakhwa wavulhusa (2 Akorinto 4:4). Athu amarapwa atheene ni yaayo ehinamuroromelha eri ookhwa vamiithoni vaye ni ohoona va dha Mulhuku. Enaholhelhiwa ni oonanaroyo a elhapo elha (Aefeso 2:1-2). Yaahihulheya miitho wihina edhuwelhe otathiya wiwa, enoroya yalhakiwe. Muthu yooyo anihina, "Nginapahulheke" anilheka yekhaye. Kambeene "mwaana a Mulhuku aweelhe yeelha, opwaramwasa yeeyo ayeemre satana." (1 Yohane 3:8). "Vano, ivelhelheni wa Mulhuku. Mukhooteni Satana, nave anorowuhiyani. Waani wa Mulhuku, nave anorowa wanyuwaano." (Yakobo 4:7,8).

Munelenganyu muhudheraka ephwanihero m'bukhulha, munorowoona m'mo okhalhelhe murimaanyu. Muhinakhoota omolhelha wa Mulhuku owonihani m'mo okhalhelhe murimaanyu. Akhulhelhani marapwa anyu nave muhinakhoota wihina akhalhavo, vawi madhu a Mulhuku enanilhelha wiina "nehina khinimna mrapwa, mnilheka wekhiihu, nave

mwahiyaano eparipari kheyiimo. Nave nakhulhelha marapwa ahu wa Mulhuku, anorowuupuwelha mlhakano naye ni oneerelha yaphaama: Anoronikhurumuwelha marapwa ahu ni oneelhiha dhonanara dhahu dhithedhene." (1 Yohane 1:1-10). "Nikhame na Yesu, mwanaye, nimnaneelhiha hiyaano o nirive mrapwa".

Munaholhelhiwa ni Satana apalhe Mulhuku; muri kapor a mrapwa apalhe a Mulhuku. Narimi mrapwa niholhelhaka okumaanyu, muhinakhoota, mdho mndelhani wa Mulhuku. Anorowuthaphulhani oweelha mwa Yesu Kristu yooyo awiilhe va elhapo elha ovulhusa a marapwa, opwesa machiri a satana ni mrapwa va hiyaano. Thi mvulhusa ahu. Muri vamiithoni va Mulhuku aweelha yooyo anadhuwelha dhawipitheya dhithedhene, mpuwelho awipitheya ni dhaweera dha okumaawo. Thidhohiworeya wihina wipithe ni mitheko dhawo vamiithoni va Mulhuku, kambeene "Mulhuku sika apotokosilhe maaru ahu — nave khani iiwe? Aapotokosa miitho ahu — nave khani oone?" (Masalimo 94:9).

"Apwiya emnoona dhithedhene dha va elhapo ya vathi, owimnya ekopholho yaayo mirima dhiwa dhiri va olhiyeni." (2 Mbiri 16:9).

"Emnoona meetelho a athu atheene. Kheyiivo epiphi yeeyo muthu aneraye ipithevo wihina Mulhuku ahimoone." (Yobu 34:21,22).

"Nave Yesu khawaroromelhe alhiwani, kambeene ahaadhuwelha atheene." (Yohane 2:24).

Dhiidho "oothuwa eri yaayo marapwiiwa ekhurumuwelhiwe, dhonanara dhiwa dhitiwalhiwe. Oothuwa ari yooyo Mulhuku ahinamwelengela marapwa aye ni yooyo athaphulhiwe woolhekiwa waye." (Masalimo 32:1-2).

1. MURIMA WA MUTHU AMARAPWA



1

Ephwanihero elha enooniha murima wa
muthu a marapwa, mulhopwana apalhe

muthiyana, oyo adhivelhiwe ni dha vathiva, oyo athopoolhiwe m'Baibuloni, sika wihina, anaholhelhiwa ni oonanara a elhapo elha ni dhopaalha dhaye. Ephwanihero elha enooniha murima we m'mo Mulhuku anawonelhaye. Miitho oofila enalhokoha wihina amnawirya otheka we m'mo elhotelhiwa m'bukhu a Miyambo 23:29-33: "Thani ari ni etakarakha? Thani anahoowa? Thani ari ni dhowana? Thiyooyo anaselhiwa vaavo viri otheka, anaya aashaka otheka. Ohinaweha otheka vaavo oriwa wofila. Orina osherima m'mukambani. Owiryeyaka mookhwuya. Vomalhihelha onalhuma we enowa, olhumaka we namarawe. Miitho awo enorowoona dha elheto, murimaawo onolhota dhokhoromana".

Mu ephwanihero elha, m'murimani mwa muthulha munooneya enama dhohiyanihiyana mdho dhimlhokoha dha marapwa ohiyanahiyan a m'murimani mwa muthu, kambeene murima thi nipuro m'no munavenyera marapwa ohiyanahiyan. Mulhuku ananilhelha hiyaano oweelha mwa Yeremiya, wihina, "murima wa muthu sika

wolheka, ni wohipotokoseya, thani ani awore
owudhuwelha?" (Yeremiya 17:9).

Yesu aalhotesesa dhemdha mwanenaye
wihina, "Vawi muwari mwa mirima dha
athu, mumkhuma mupuwelho oonanara,
oraruwa, dhawiiya, dhawiphana, dhokonana,
nrima, dhonanara, olheka, yonanariha, niitho
nonanara, epewe, witukhulha,
ombwambwaana: dhonanara dhithedhenemdha
dhimkhuma muwari dhimunanarihaka muthu."
(Mariko 7:21-23).



1. ENTHIWATIWA. — Vawi oreera wa
enthiwatiwa wunamudhivelha arive muthu,
mva m'murimani mwa muthulha, enalhota
dha mrapwa nookota. Lusifala, aari
mungelo a eparipari a Mulhuku, mwaha
wookotaaatathilha ekari yeelha mdho

iitana ni Mulhuku — mudiyerekezi (Yesaya 14:9-17; Ezekieli 28:12-17).

Okota omvenyera ogehenani, navetho ori mu ethilha dhimchichi. Athu akina enakota kaamba ya eyuma dhiwa, ohudhera wiwa wa vadhlhu; dhowara dhiwa dhaphaama mdho dhinooniha miilhi dhiwa mwawiwiha etakarakha; owara dhawidhivihera, ebangili, endolo, ni dhikina, we athopoolhelhe Yesaya 3:16-24. Akina enakotelha makholhwiwa Yakhwilhe, elhapwiwa, mukhalhelhwiwa, ni dhikina, otiwalha wihina "Mulhuku anaakhotiha awitukhulha, nave amdhibelhiwa ni awiyeviha." (1 Peturo 5:5). Mulhuku aniitana ni okota ni wihelhelhamo (Miyambo 8:13). "Okota omholhelha olhakiwa; murima wawitukhulha omholhelha okwakwatuwa." (Miyambo 16:18).



2. MWANAPWA. — Animelhelha dhopaalha dha mwiilhi, oraruwa, okonana. Marapwa eromolhiwe mvalha ahenjerereya mahiku yaalha, navetho mahiku oomalhiha, dhophiya vaava, dhiidho thuwakhulhelha madhu a Yesu aariye, vakhuviru miyakha ezikwi Piilhi dhiviralhemdho, wihina mahiku oomalhihelha enawa ephwanaphwana ni mahiku a Sodomu ni Gomora. Ohikhala wi mwerelho wonanarolha orimoona waphara athu alha shisha vophiyani m'mamilhakoni mwa athu oovekelha ni mapuro ohiyanahiyana, mohudherelhamo ni moochelha, mwerelho wonanarolha orina waavolhowathi oweelha vomonelhani kanema, matheelha, welenga dholhava, ni ethilha dhikina dhimchichi, dhiri mwawi yeeyo Mulhuku anayeeraye yonanara Sika emkusiwa we yaphaama. Azombwe ni asinamwalhi amchichi enaphwanyeya ni merelho oonanara kambeene ya akanema ni dhawelenga dholhavamdhha, sika enaphwanyeya eri m'mavihoni, mdho enaamba wikupanyera. Eneera dhemdhala enooneya we a vadhlhu wa asanamwani. Mapuro awinelhamo, nalhiwani thi wemko wumvenyera dhonanaramdha. Athu aweelha a

Mulhuku, we Yosefe (Geneses 39) ni akina, khenakusiwa we ephwanihero. Naari athu a othe a mlhoko na Ezulu, ayo yawiphesa athu ooraruwa, alhathi yerowahudhiha athu ahu ayo enihina thi ootukhuwa navetho enoronitheya mlhapo nomalhiha vamiithoni va Mulhuku. Mulhuku amnanilhelha wihina nihineraka marapwa niwihinatho nikhalhe witeete ni alhiwani. "Nirive mrapwa muthu aneera nimkhalha othe wa mwiilhi; nave ooraruwa anapahulha mwiihi waye wayeekha. Apalhe khimunadhuwelha wihina mwiilhi ori empa ya munepa waweeelha, yooyo ori mwanyuwaano yooyo murinyuna wa Mulhuku? Nave khimuri vawekhiinyu." (1 Akorinto 6:18,19). "Mukina aapahulhaka empa ya Mulhuku, yooyo Mulhuku anoromulhaka; vawi empa ya Mulhuku eri yothoolheya, yooyo thi nyuwaano." (1 Akorinto 3:17).



3. EKUMBA. — Enalhota dha marapwa oowirya otheka ni oothuthuwa. Thi enama ya othawa enacha erive elho enaphwanyiwa yawetaka, yaphaama apalhe yonanara, enaphwanaphwana ni amarapwa oyo anakhwelha meera erive elho eyo enaawe m'muruni mwaye, enawupuwelhaye, wooma, apalhe welenga, ni dhikina. Mwiilhi, oyo wapotokosiwe wihina okhalhe empa ya Mulhuku, orina onanarihiwa ni yoocha yonanara ni merelho oonanara we omucha apalhe omumbelha soolha, ophariha mutheko murete wonanara ni mirete dhawaphelhiha muru ni mirete dhikina. Mukhalhelho womucha soolha naari murete wawaphelhiha muru sika dhinereya ni athu amchichi ohiyana ni khalhe. Thi ekopholho dha Mulhukuve dhinawore wuvulhusani omukhalhelho womucha soolha ni wukumihani

mukariposo a mudiyerekezi. Navetho athu akina eniwa kheni yamumbelhe soolha muchalichini, eniwa woova opahulha wa Mulhuku, khemnanawo dhawimamuhiya, ohidhuwelha wihina miilhi dhiwa sika empa ya Mulhuku. "Navetho mumnadhuwelha" aaridhiidho murum'mwa Paulo, "wihina muri empa ya Mullhuku niwihina munepa wa Mulhuku onakhalha mwanyuwaano." (1 Akorinto 3:16,17; 6:18,19).

Muthu a nrima thi oohipalheya apalhe awiteya vamiithoni va Mulhuku. Mnacha wihina nikhalhe ni okumi; khimnakhalha ni okumi wihina nicheke. Ethalha thumalha ni yoocha yaphaama, nave nrima mnerekemimndelhave, "Kimnyeni, kimnyeni!"

Nrima khiniwa nimalha, khiniwa nikwanihiwa. Mu mlhakano na khalhe muthu oothuthuwa ni oowirya apwesiwa malhuku akhwa (Deuteronomo 21:18-21). "Vawi oowiryawirya ni oothuthuwa enorohoowa; nave olesi onoromuwariha muthu matapwata." (Miyambo 23:21). Upuwelhani muthu a eyuuma, akhwilhe aphwanyeyilhe ari m'mavihoni. Onanara wa owirya thiwodhuwanyeya. Dhimnadhuwanyeya wihina

owirya khewaphaama. Mulhuku arina
onilhelha hiyaano mwawiweya oweelha
m'madhu aye wihina khiivo oowirya oyo
anavolhowe omwene wa Mulhuku. Otheka
khehiyoni yoocha, thi yoowirya eyo
enaphelhiha muru, nave oowiryayo
enakhalha wenango oombwambwaana.
Thuwerelhana dhonanara naari wiphanawene
anayayove yeeyo Khiyaweriwa
yahiwiryalheke. "Owirya otheka mumchichi
wumnaweriha wi okhuweke ni weera dheko
mombwambwaana. Thi dhombwambwaana
owirya otheka." (Miyambo 20:1).

Yaayo enaphuka ni okulhiha otheka eri
oopahulha vamiithoni va Mulhuku, kambeene
Mulhuku anihina, "oopahulha eri yaayo
enawirya otheka, ni athu oolhipa ayo
enathakanyihera dhoowirya dha owalhi."
(Yesaya 5:22). "Oopahulha ari yooyo
anamwimnya mukhwaaye yoowirya,
niwenjererawo murete, ni omwaphelhiha
muru, wihina woone opwilhimwindhaye."
(Habakuku 2:15). "Apalhe khimumdhuwelha
wihina amarapwa khewa evolhowa omwene
wa Mulhuku? Muhiholhosive; ooraruwa,
apalhe aweera dhonanara, apalhe

awinanariha ni alhopwana, apalhe oovekelha maphwanihero, apalhe ookonana. Apalhe alhipawiyya, apalhe oodhivelhiwa ni dha aneena, apalhe oowirya, apalhe awimtawa, apalhe awaakha, khewa evolhowa omwene wa Mulhuku." (1 Akorinto 6:9-10).

Marapwa ooyariwana thi ohiitheya. Akina mwa alhiwani thi alha: "oraruwa, dhonanara ni dhaweera dhonanara, ovekelha maphwanihero ni okhwiri. Athu erina wiitana ni owana; emnerelhana ehache, olhutuwelhana ni okotisherana dheko. Erina omwareyana m'milhokoni dhohiyanihiyana; werelhana nrima, owirya oromana, ni werelhana dhimchichi wenango dhemdha. Yaayo eneera dheko dhemdha khewa evolhowa omwene wa Mulhuku." (Agalatiya 5:19-21). "Nave muhinalezelana otheka, mwem'mo muri otathiya; nave mudhalhiwena munepa." (Aefeso 5:18).

Yesu arina wiithana yaayo eri ni mthona va dha omwene wa Mulhuku. "Nave mlhapo nomalhihelha na machelhelho, Yesu ahimelhelha akhuwaka, ihina, varimi viri muthu ari ni mthona, awe wa miyaano, awirye. Oyo oororomelha miyaano, we m'mo

dhalhotelhe dholemba, mihinje dha maadhi a okumi dhinoroweeta, okhuma ovenyera muwari mwaye." (Yohane 7:37,38). "Atheene nyu muri ni mthona, waani omadhini; ni oorama ekhorowa waani mukulhe muche; mdho waani, mukulhe yoowirya ni mukaka naari muhimna ekhorowa!" (Yesaya 55:1). "Nave olhiyeni oowirya maadhi yaayo kinamwimnyemi khawa akhalha ni mthona elhukulhuku dhithedhene; nave maadhi yaayo kinamwimnyemi enakhalhe mwa olhiyeni netuutu amaadhi ooya wukumini wohimalha." (Yohane 4:14).



4. KHAPA. Amlhota dha olesi, ohipaalha wiwelha ni okhwiri. Ohiroromelha thi wonanara wenango okhwiri (1 Samueli 15:23). "A olesi anorokhwa, kambeene matha aye khempaalha ophara mutheko. Akina enadhivelhiwa ni dha aneena

movoreyiwa murima mlhapo nithenene; nave
aweeleha emnavaha ohiimana." (Miyambo
21:25-26). Yoswa aarina waalhelha
Aizilaeli, "ngavenyani, nayeelhe; vawi
nohoona elhapo, nave ngoonani, mdho
thiyaphaama; sika nyu munakhwelhami
nonoro? Muhineraka olesi voyaniwoni ni
okusa elhapo eyo." (Oweruza 18:9). Muthu
thi a olesi ni ookukureya va dha Mulhuku.
Yesu aarihina, "eseesani ovolhowa va
mulhako mung'onong'ono." (Luka 13:24).
"Arive muthu yooyo anaashasha
anorophwanya." (Mateyu 7:8). "Nave
ovenyera mahiku a Yohane m'batizi,
ophiyera vano, omwene wa odhulhu ori
wawaakanelha, nave awakanelhayo enawukusa
ni ekopholho." (Mateyu 11:12).

Mnorolhakiwa kaamba ya ohipwatha omwene
wa odhulhu. Olesi omnanneriha wi
nihivekelheke, wi nihinaashashaka dha
Mulhuku; niwiina nihakhelhe malhakano a
Mulhuku; mdho yothwarelhavo wunakhalhe
olhakiwa. Mulhuku analhotaye ni weyaano,
wuuveka wihina omwimnye murimaawo
olhelho, nayene mudiyerekezi anuulhelha
wihina dhemdho weere osiselho, apalhe

mlhapo nikina, nemno apalhe,
khiniwaniphiya; navetho thuukhwa
ohinavulhusiwe apalhe ohimna Kristu.
Mulhuku anihina, "Olhelho mwiiwa madhu
aye muhinum'miha mirima dhanyu, we
yerelhe makholho anyu ohimwiwelha
Mulhuku." (Ahebri 3:7-8). Thi athu akavi
ayo ekhwilhe ehimna Kristu mwaha
wororomelha dha osiselho mno nihinaphiya?

Mlapo na osiselho khinihiyo naawo.

Nikulha na khapa nim'pharihiwa mutheko ni
anamukumbasa va dha okhwiri, dhiidho mva
khapa analhokoha dha ororomelha ni weera
dha okhwiri, masenga ni dhokhwima,
municiponi momuroromelha Mulhuku a okumi.
Makasi vawesiwani ni vovoriwani, vamasosoni
ni elhukulhuku dhawukhulha, nimlhelhiwa
wihina nikhuwelheke wa Mulhuku a okumi,
yooyo anaanikamihere, ohikhala wimoona
omaalha; kambeene "Apwiya sika
anokolhelha muthu mwaweeta mwaye."
(Masalimo 37:23). "Vokhalha mukina
anavoriwa mwa nyuwaano? Awiithane
athekwene a va ethekoni oovekelha, mdho
emvekelhelhe, emuhemlhe makhura mu
mdhina na Apwiya. Nave nivekelho na

mroromelho ninomvulhusa oovoriwoyo, nave Apwiya enoromongomelhiha; nave aarimi eemre marapwa anorokhurumuwelhiwa. Kambeene mukhurumuwelhaneke marapwa anyu mukina ni mukhwaaye wihina mongomelhihiwe. Nivekelho na muthu aphaama sika mniiweya." (Yakobo 5:1416). Mulhuku ahaalhelha Aizilaeli wihina, "ahinaphwanyeya mwa nyuwaano ooyana mwanaye a mulhopwana apalhe a muthiyana omumndo wa nikhang, oopwatha mirapo, apalhe oopwatha wimnda wa epalhame, apalhe a enyaka. Apalhe anamavirelha, apalhe anaminepa, apalhe amakhanga, apalhe ookohera anamakhwa. Vawi arive muthu aweera dhemdha Yehova amnanariwana, nave kaamba ya dhonanaramdha Yehova Mulhuku anyu amnathamakiha vamiithoni vanyu." (Deutoronomo 18:10-12). "Othe wuri anapwa ni a enyaka, ni ooraruwa, ni alhipawiiya, ni oovekelha maphwanihero, ni yaayo enadhivelhiwa ni wootha." (Chibvumbulutso 22:15).

"Muhinaroromelhaka ayo enaya eroromelhaka anamakhwa, apalhe a enyaka,

muhinaaroromelhaka, onanarihiwana, miyaano kiri Yehova Mulhuku anyu." (Levitiko 19:31). "Vaavo enawerewa wa weyaano, ashaasha wa oolhava, ni awombeza, yaayo enimnda, ni ototopelha; nave athu khewa emwaasha Mulhukwiwa? Kaamba ya akumi, Sikamdhø thuwaasha wa anamakhwa? (Yesaya 8:19-20).

Munamwelenganyu bukhulha, Mulhuku arina olhota wa nyuwaano, owithanani wihina muhiye marapwa anyu ni omwimnya okumaanyu, navethi munepa wa khapa, yooyo ori m'murimani mwanyu, orina wuulhelhani wihina muhineera dhiidho, navetho amnesesa owimnyani murima wawoova. "Nibanja naka, akhwaaka, ni athu akina enawereke tini, kakhalha mukristu? Enawereye thi tini kahiyaaka wawiina, wohakalhalha ni dheko dhikina? Munipuroni mwawoona eyuma eyo eri mwa Kristu Yesu, murendelhe wothikiniha, ehakalhalho yeeyo madhu kheni yawore othopoolha, marelhelho aye, okumi wohimalha oyo ori ni dhodhiva dhimchichi, omnaamba woona dheko dhithedhene mdho onahiyewe, apalhe "odhitiwalha" wamwakhelha

Kristu owa m'murimani mwawo, vaavo
omoova muthu ni woova okhwa khidhiwa
dhiweriha weyaano okhalha kapor a
mudiyerekezi. Nave Kristu aweelhe
waathaphulha yaayo yaari akaporo mu
okumiwa mutheene kambeene yawoova
okhwa (Ahebri 2:14,15). Munepa
wohipaalha wiwelha omnawum'miha murima
wenango nikulha na khapa.



5. NAMTHAVI. Thi enama yawoopiha ni ya ekuku. Ekuku, olhutuwa ni osha murima mdho dhinaphwanyeya m'murimani mwa muthu dhimneriha wiiphana. Thuwesera, apalhe oworawene, wihina nihinashaka murima, ophiyera dhithedhene omalha. Thidhaphaama wakhulhelha wihina dhithedhenemdha dhimnaphwanyeya m'murimani mwanyu, ni omukoha Yesu wihina uthaphulheni. "Hiya osha murima; wuneremoona wuhiyani


m'mavihoni." (Masalimo 37:8). "Osha murima thi ekuku ni wohoosa." (Miyambo 27:4). "Ohinaakuva osha murima; vawi osha murima ori mwa oombwambwaana." (Mlaliki 7:9). "Hiya osha murima." (Akolose 3:8).

Oombwambwaana amchichi enawirya otheka wihina yeere apalhe ehokoroselhe yonanara. "Otheka sika ol huma wa enowa, ni ovoreya wa owalhi wa evilhi." (Deutoronomo 32:33). Ohokoroselha yonanara thiwaphaama wa murima wonanara, navemdho Mulhuku sika anawalhake atheene eneera dhonanara. Yesu aarihina, "Odhivelhiweke ni mukhwaawo we m'mo onidhivelhawe weekha" (Mariko 12:31) nave "Odhivelhiweke ni amwitani awo." (Mateyu 5:44). Mulhuku aalhokoha onikhurumuwelha marapwa ahu, vavove narimi nakhurumuwelhaka akhwiihu marapwiwa wa hiyaano (Mateyu 6:12). Murima wokukureya, ori wawiitana ni Mulhuku. Opaalha wiiphana ni ekhoto dhiri m'murimani mwa muthu, dhiidho vimpaalheya wihina nikerathihe murendelhe wihina nihiwanilhakiwa.



6. ENOWA. Yamulheka Hava m'matani mwa Ideni yeeyo yavirikanihalhe omudhe ni opodha ni Mulhuku. Satana awerelha ehache Adamu ni Hava, vaavo onilhaye wihina dhekko dhithedhene dhaari m'mathani mwiwa wihina ewehereke, yaaritho mwawiwanana ni Mulhuku, niwihiinatho yaakusa nipuro naye. Mwa ehache satana ahupuwelha dhawi awitanihe, sikathi dhaworeya aananariha opodha ni okumiwa ni Mulhuku. Ehache ni nrima dha osatana wenango dhemdha dhiri m'mirimani dha athu onanariha murendelhe dha akhwiwa yoona wihina akhwiwayo erina okhalha mohakalhalha. Ehache emnawiiha mupuwelho oonanara m'mirimani wahoosa akina, thuwerihatho wiiphana. Mdha dhinereyesa wa yaayo ethelhamne. Ehache sika enamweriha mulhopwana osha murima; nave

khawaerelha etakarakha mlhapo
nohokoroselha elhako (olhaka) (Miyambo
6:34). M'magenini owaaka ni mudhawereya
dhithedhene ehache emneriha wihina athu
yooneke maviho ni wiitana. Naari akristu a
vaethekoni wenango anamalhalheya, ni
amurum'mwa kheri oothaphuwa omwerelho wa
ehache yoona wihina akina emnapharihiwa
mutheko ni Mulhuku ohiyana ni alhiwani.
Mdho vim'phwanelha woonesesavo vaava, ni
okhalhana mdhivelho na Mulhuku mno
animnyalhaye m'mirimani dhahu vonimnyani
munepa waweeleha (Aroma 5:5), kambeene
eheera dhiidho opharihiwa wiwa mutheko ni
Mulhuku thumalha mwaha wa ehache.



7. NAPHULHU. Amlhota dha marapwa a
nrima ni mdhivelho na va ekhorowa yooyo
ori musisi wa dhonanara dhithedhene (1

Timoteo 6:10). Anaphulhu akina akhalha ephwanyiwaka okhongo echaka enenelhi dhimchichi ophiyera ophulheya ni okhwa. Muthu a nrima khampaalha othapurusa mnatha wihina amwimnye ohoowa ni oorama, nave amnesesa, mwawoona ni mohoona murima, wikhuteyelha eyuma ya elhapo ya vathi. Yesu aarihina, "Muhinikhuteyelha eyuma ya elhapo ya vathi, mvo akhwirini ni esipilhi dhimnanarihiwa: ni alhipawiya enapwesiwa niwiyamo; nave mwivithelhe wekhiinyu eyuma mudhulhu, wemko akhwirini ni esipilhi khidhini dhananarihe, navetho alhipawiya kheniyapwese ni wiyyamo. Vawi wemko wumkhalha eyumaawo thi wemko wumkhalha murimaawo." (Mateyu 6:19-21). Akani n'ribanja naye yahiphiwa mwaha wodhivelhiwa golide, siliva ni dhowara (Yoswa 7). Yudasi Isikarioti, oohudhera a Yesu, ahimakelhelha yeekeha mwaha wodhivelhiwa ekhorowa mdho dhamwerihalhe wihina amvelhelhe pwimnya ni omuholhelha aye. Khehiyoni ekhorowa eri yonanara, apalhe golide, thi mdhivelho na va ekhorowa mno niri nonanara mno nipithalhe m'murimani mwa muthu. Ezikwi dha alhopwana ni athiyana a malhoko matheene

erina onanariha okumi dhiwa ni dha mabanjiwa mu ethilha dhonanara wihina ephwanyeke eyuma we vomwetani mpeya ni wikarana va abulu ni anapwa, ni dhikina. Murima wopaalha ophwanya ekhorowa mohiphara mutheko omnaholhelha wiiya ni wiipha apalhetho odhiipha weekha. Mdhivelho na va ekhorowa ni nrima dhiri mu ethilha dhimchichi, wenango waasha ovuwa, wooniha we a ekopholho, thukhalha dha nengoolhe wihina waholhelheke akina, okhalha ni ekhorowa wihina wahooseke ohoowa; apalhe dha Mulhuku, wimapaalha wihina oholhelheke athu vachalichini ohikhala omudhuwelha Mulhuku, onaweriha athu a Mulhuku othwarelha mpingo munipuroni momuthwarelha Mulhuku. (Mariko 9:38). Yesu aarihina, "Iwehereni, mwivithe wekhiinyu ohipaalha erive elho, kambeene okumi wa muthu khomlhikana ni waata wa dheko mdho arinaye." (Luka 12:15). Mwaha wa muthu a eyuma ori mwawidhiidha: "emata ya mulhipa eyuma yakhalha ni dhohata dhimchichi. Nave ahupuwelha mwayeekha ihina, kinaweredhe miyaano, okhalhaka ngimna movithamo dheko dhaka? Nave aarihina, Kinawere dhiidha:

Kineremakarakanyulha dhovithelhamo
dhakamdhā, kimaketho dhuulhupalhi,
kedhiidho kivithemo dhohata dhaka
dhithedhene, ni eyumaaka. Mdho kinalhote
ni okumaaka, okumiwe, wokhalha ni eyuma
yimchichi yovitheyā ophiyera miyakha
dhimchichi, ngakhurumuwatho, oche, owirye,
ohakalhalhe. Nave Mulhuku aarihina wa
olhiyeni, oombwambwaanawe, mahiyu yaalha
onoropalhiwa okumaawo; nave dheko dhawo
dhinakhalhe dhawani? Dhiri dhiidho ni yooyo
anivithelha eyuma nave ohikhahana eyuma
yawa Mulhuku." (Luka 12:16-21). "Nave
muthu anaphwanyavo tini akhalha a eyuma
va elhapo ya vathi, nave atathilhavo
okumaaye?" (Mariko 8:36). "Nave olhiye
aarihina wa oohudhera aye, kambeene
kimlhota wanuwaano, muhikhupanye ni
okumaanyu, eyo munachenyu; apalhe
mwiilhi, eyo munawarenyu. Vawi okumi ori
muulhupalhi ohiyana ni yoocha, ni mwiilhi
ohiyana ni yowara. Upuwelhani anakhuku,
wi khemlhima, kheyimna empa yovithelhamo,
apalhe enkhokwe; mdho Mulhuku sika
anaachiha: thimwawiidhe ni nyuwaano
khamumkhwaranya epalhame! Nave thani
anyuwaano, ni okhupanya anawore ophithavo

va osinkhu waye ni orakama muwono
m'modha? Nave mwarimi muhiworaka apalhe
eng'onong'ono, munakhupanyera tini ni
dhikinamdh? Ngupuwelhani dhomelha,
wumnuwa wiwa, khidhim'moona wumnuwa
oohinyaalha, nave kimlhota wanyuwaano,
naari Solomo, m'marelhelho aye matheene
khawamre wenango alha. Mdho Mulhuku
aarimi awarihaka mwawidhiidha manasi a
ohakani ookhalhavo olhelho, yedhiidho
osiselho evokhiwe viikho; mdho nyuwaano
thuhiwimnyani, nyuwaano oororomelha
vang'onove? Mdho nyuwaano muhinaashashaka
yeeyo munachenyu, niyeeyo munawarenyu,
nave muhikhale oohiroromelha m'murimani
mwanyu. Vawi mdha dhithedhene malhoko a
athu a va elhapo ya vathi
emnadhaashasha; nave athithinyu
emnadhuwelha wihina mumnarama
dhithedhenemdha. Navethi ngashaashani
omwenaye, nave mdha anorowuphithanivoni.
Muhinoova, mulhoko wa epucheputchenyu;
kambeene athithinyu emdhivelhiwa owimnyani
omwene. Kulhihani dheko murinyuna,
mvelhelhe we dha mahalha; mwipotokosere
mirupa dha ekhorowa mdho
khidhiwadhimalha, eyuma yohimalha

mudhulhu, mko alhipawiyya khewa yatamelha, nave akhwirini ni esipilhi khidhiwa dhinanariha, vawi mko wuri eyuumaa wo thiwemkotho wumkhalha murimaawo." (Luka 12:22-34).



8. SATANA. Athithimnya a dhawootha dhithedhene ni yaayo enootha, thiyooyo ananirapwiha, thiyooyo ananiholhelha m'mirimani dhahu. Yesu aarihina, "Nyu muri oovenyera mwa athithinyu mudiyerekezi, nave dhopaalha dha athithinyu mumpaalha odheera. Kambeene olhiyoolha aari oonanara ovenyera vawaamba nave khawimemlhe mu epariparini." (Yohane 8:44). Wootha wung'onong'ono wuri wonanara we wuulhupalhi. Vokhalha dhawootha mdho dhimlembiwa, olhotiwa apalhe weeriwa. Muthu oolheka thi awootha kambeene aniphwanaphwanihera ni

yeeyo ahiraye. Mulhuku khani othe — navetho mukristu khani othe (Tito 1:2). "Nehina nohathanana olhiyeni, nave n'neeta mu epiphini, nim'mootha, nave khimneera eparipari." (1Yohane 1:6). "Othe wuri anapwa ni a enyaka, ni ookonana, ni alhipawiiya, oovekelha maphwanihero, ni yooyo amdhivelhiwa ni dhawootha ni weera wene." (Chibvumbulutso 22:15). "Namoona awootha ni odhivelhiwa wotha-otha, thi awitaniha amudhe." (Miyambo 6:19).



9. ETHENDERI. Enalhokoha dha mupuwelho a m'murimani wa arive muthu. Mva, ori wooripa ni wonanara, apalhe wookhwatho kaamba ya marapwa; ari ohoona ni oopahulha, mwawi khani oone marapwa aye. Mupuwelho oonanara alha elhukulhuku dhikina khemduwanyeya, nave elhulhuku dhikinatho emkhala ohoosa.

Amnitana ni elho yaphaama, ni wathanatho ni elho yonanara. Yeelha thukhwa, wenango erimoosiwa, atathilha dhithedhene votathilhani mroromelho nawootha, wiwelha minepa dhawootha ni othwarelha mahudhero aminepa dhonanara, ni wiwelha mahudhero emvelhelhiwa ni awootha (1 Timoteo 4:1-2; Ahebri 10:22).



10. NIITHO. Niitho na Mulhuku nimnoona erive elho eri m'murimani. Kheyiivo enawipitheye vamiithoni vaye, dhiidho amnadhuwelha niwoona mupuwelho awipitheya matheene ni dhopaalha dha murima. Naari dhonanara dhawo odheere mu epiphini, mu othakoni, mulhitini, apalhe wuriveweke, Mulhuku arinawoona. (Miitho mu ephwanihero elha erina olhokoha m'mo okhalhelhe murimaaye).



11. ASIMALHUMI A MUMNDO. Alha thi yaayo yaphelhe murima wa muthu wooniha mdhivelho na Mulhuku wa muthu oonanara. Naari Mulhuku itanaka ni mrapwa navethi khampaalha okhwa wa muthu amrapwa, mdho ampaalha wihina arukunuwe ni ohiya marapwa aye ni okhalha mukumi (2 Peturo 3:9). Yesu aawa ovulhusa amrapwa. Wumnakhalha ohakalhalha odhulhu kaamba ya muthu m'modha arukunuwalhe murima (Luka 15:7). Asimalhumi alha em'phwaniheratho nikhame na Yesu, "mwaana a epucheputche a Mulhuku, oyo amvenyiha mrapwa na elhapo ya vathi." (Yohane 1:29).



12. MUNGELO. Animelhelha madhu a
Mulhuku. Mulhuku ampaalha olhota ni
yaayo yothothiwe ni yaayo etukhulhalhe
mitokoma dhonyeelha dha mrapwa, wihina
ehiye ethilha dhiwa dhonanara niwakhelha
omolhelha ni mdhivelho dha Mulhuku
m'mirimani dhiwa.



13. ENKHUNDA. Elha thi ephwanihero ya munepa waweeleha, oyo onupulhulha dha Mulhuku, dha mrapwa ni yeeyo eri yaphaama, ni elhako ya Mulhuku (Yohane 15:26). Munepa waweeleha mva ori othe wa murima wa muthu. Khoniwakhalhe mko wunereya marapwa.

Warimi murimaawo ori wenango ephwanihero ya murima olha, mndelha wa Apwiya, hulha murimaawo wa olhiyeni, hiya omolhelha wa madhu aye wumolhelhemo. "Nave yaarihina, ororomelhe Apwiya Yesu, nave onorovulhusiwa, weyaano ni avabanjani vavo." (Machitidwe 16:31). Mulhuku ari oopaalha, dhawoona, aalhokoha orukunusa murimaawo, owimnya weyaano murima musha ni mupuwelho ananweene (Ezekieli 11:19). Dhemandha dhithopolhiwe mu ephwanihero yanepiilhi.

2. MURIMA WOVANYIWA OMRAPWA



2
Ephwanihero elha enooniha murima
wothwaruwa oyo onaamba omwaashasha

Mulhuku. Mungelo akusalhe mwalho, ophwanihera madhu a Mulhuku, yaayo eri "a okumi ni aweraweera, ni awiisha okhwaranya mwalho wawiisha wuniwu: emnavolhowa muwari mwa mwiilhi, ni m'makhuvani mwene odhuwelha dhemdho dhimpaalha murima." (Ahebri 4:12). Madhu a Mulhuku enamuupusa wihina "Yolhivelha ya marapwa thi okhwa, nave yovelhelha yamahalha ya Mulhuku Sika okumi wohimalha oyo ori mwa Kristu Apwiya ahu Yesu" (Aroma 6:23) ninihina, "athu enaakhwe omodha, nave yakhwa yiipiwe mulhatu." (Ahebri 9:27). "Nave awoova, ni oohiroromelha, ni oonanara, ni oovekelha maphwanihero, ni atheene awootha, yawakhelhiwa enakhalhe eniya ya mumndo ni sulfure, sika okhwa wanepiilhi." (Chibvumbulutso 21:8).

Mumnatha naye nikina mungelolha apharelhe ekharakadha ya muthu. Yeelha enamuupusa muthu orapwolha wihina mnawanikhwa mlhapo nikina. Miilhi dhahu mdho dhinanidhivelha, odhiwariha, odhichiha ni odhireriha, dhemdho mnadhipwathahu dhinawadhikhwa niwumta, nave dhinorochiwa miingu vaavo

okumi ni munepa khidhiwadhikhwa, nave mlhapo nikina dhinorophiya vamiithoni va Mulhuku (Kristu), wihina dhiipiwe mulhatu ni olhiyeni (2 Akorinto 5:10).

Mva mnoonavotho muthu amarapwolha aambaka opwatha mutchaka wa Mulhuku ni ohulha murimaaye wa Mulhuku. Munepa waweelelha wohaamba omolhelha mu epiphini ni m'murimani mwa muthu amarapwolha. Mulhuku amolhelhamo, epiphi emnathawa. Mrapwa mno niphwanaphwanihiwe ni enama dhithedhenemdha, dhim'phwanelha othawa. Dhiidho, mukhwaaka awelengawe, mwakhulhelhe Yesu, muthiko wa elhapo ya vathi, owa m'murimani mwawo, epiphi ni dhaweer aha mu epiphini dhinorovenya m'murimani, wenango m'mo dhinooneyelha mu ephwanihero elha. Yesu aarihina, "miyaano kiri muthiko wa elhapo ya vathi; olhiyeni ookithwara miyaano khawa eeta mu epiphini, navetho anorokhalhana muthiko m'murimani mwaye." (Yohane 8:12). Khoniwawore okumiha marapwalha m'murimani mwawo weekha ni ekopholho dhawo, ezelu dhawo, apalhe ni ezelu dha athu. Ethilha yokhwewe yesesa, yororomelheya, yawakuva ni

yohiposa, thi omwakhulhelha Yesu, muthiko, owa m'murimani, mdho epipi, nemno niri mrapwa, mnorowuhiya. Mweeri ni ethenderi dhimnakamihera onimolhelha hiyaano mahiyu wakhalha epipi, navetho mdhuwa nakhuma, epipi ni dhomolhelha dhing'onong'ono dhikina khidhinooneya. Yesu thi mdhuwa na eparipari. Ayilhaye o Yerusalem, ahaakumiha anamakulha ni anamakulhiha dheko. Ahuupurusa etheko dha awakakhaniha ekhorowa ni etheko dha anamakulha enkhunda, alhelha wihina, "dholembiwa, empa yaka enaweriwe empa yovekelhelhamo; nave nhyuwaano munayeesa nikhungu na anamasikita." (Mateyu 21:13).

Murimaawo ori empa ya Mulhuku, mokhalhamo Mulhuku. Ampaalha wihina akhalheke mwem'mo, oreriheni, omolhelheni, mdhivelho ni ehakalhalho. Yesu khaaweelehe onikhurumuwelha marapwahuve, nave aweelhetho onopolha ni onithaphulha ovenyera o ekopholho ni machiri a mrapwa. "Nave mwaana aweesani oothaphulhiwa, munakhalhe oothaphulhiwa." (Yohane 8:36).

3. MURIMA WOTHWARUWA



3

Ephwanihero elha enooniha hiyaano m'mo
okhalhelhe murima wa muthu oothwaruwa.

Vano arina wooma wumnuwa ni woopiha wa marapwa aye ayo Yesu aakhwemlhaye vamwikimanyoni. Awoonaka mwikimanyo yooyo mungelo, madhu a Mulhuku, anamoonihaye, dhimnamweriha etakarakha, nave amnadhimndelha, ososiwa ni odhoona oohiphwanelha kaamba ya marapwa aye. Awoonaka mahalha muulhupalhi amwerelhe Mulhuku oweelha mwa Kristu Yesu, murimaaye omnaviha, awupuwelhaka wihina Yesu Kristu, mwaana a Mulhuku, aawa okusa marapwa aye mamchichi, aakhwemlhaye vamwikimanyoni munipuroni mwaye.

Dhawi Yesu aawasulhiwa, owarihiwa yowara ya miiwa omuruni, otwadhelhiwa vamwikimanyoni kaamba ya marapwa ahu, dhirina ohoosa murima wa muthu oothwaruwolha, mdho dherihalhe othathusa murima ni okumaaye. Awelengaka madhu a Mulhuku m'mo anaworaye adhoona yekha wenango munigalasini, amnoona m'mo arakamelhelhaye wa Mulhuku vohiwelhani malhako aye. Muthulha thi a etakarakha ni oososiwa, amnavelhelha murimaaye wa Mulhuku ni miithori ni wimnda, nave

amnatamelhiwa ni Yesu. Mdhivelho ni murendelhe dha Mulhuku dhimnavolhowa m'murimani mwaye vaavo anaambaye wupuwelha wihina "Narimi neetaka mu eparipari, we m'mo olhiyeni ari eparipari, nawathanaka mukina ni mukhwaaye, mdho nikhame na Yesu n'noronihapiha onivenyihera marapwa nithenene." (1 Yohane 1:7). "Mukipotokosere murima waweeleha, o Mulhuku; mpotokose murima wokaratheya muwari mwaka." (Masalimo 51:10). Wiilhiwa madhu a Mulhuku enihina, "enakidhivelha thi yaayo eniyeviha ni oothwaruwa, enoova ni okiiwelha miyaano." (Yesaya 66:2). Munepa waweeleha omneeriha madhu a Yesu wiiweya wa olhiyeni, "Ihipa murima, mwanaka, marapwa awo akhurumuwelhiwa." (Mateyu 9:2). Vaavo ariye oweha omwikimanyoni n'nikhame na Yesu mno navuvalhe vamwikimanyoni, vodhuwelhani wihina dhereyilhe mwaha wa olhiyeni, amnaamba odhuwelha wihina mutokoma wa marapwa aye wokusiwa, kambeene Yesu aalhivelha munipuronni mwahu; vawi, "kaamba ya marapwa ahu aaphorihia, wukuthiwa kaamba ya dhonanara dhahu," vawi

"Apwiya yaheriha elhako yahu om'morelha olhiyeni." (Yesaya 53).

Mdhivelho na Mulhuku ni munepa waweeleha dhimnaholhelha murima waweeleha olha. Nave amroromelhaye mwa Yesu, amnadhuwelha wihina marapwa aye akhurumuwelhiwa, mdho amnadhuwelhatho wihina nikhame na Yesu, mwaana a Mulhuku, nomwelhiha omvenyihera marapwa matheene (1 Yohane 1:7). Vano amnaroromelha wihina arive muthu oyo amroromelha mwa Yesu khawa akhwa, nave anorokhalhana okumi wohimalha (Yohane 3:16). "Nohoopolhiwa n'nikhame naye, okhurumuwelhiwa marapwa, mwa mahalha aye." (Aefeso 1:7). Mupuwelho oonanara atathilhiwa nave ohaamba ophara mitheko dha Mulhuku "yooyo namudhivemlhe vawaamba." (1 Yohane 4:19). Munipuroni modhivelhiwa ni elhapo ya vathi ni dheko dha elhapo ya vathi, vano amdhivelhiwa ni Mulhuku ni dheko dha Mulhuku. Mu ephwanihero elha, enama mdho dhimelhelha marapwa, vano dhiri othe wa murimaaye, naari satana esesakave wihina ahimuhkiye, waasha mulhako wihina avolhowe ni ohokolwelhamo wiilhi. Kambeene Apwiya Yesu

yanilhelha wihina nihinahiya vivekelhelha;
omukhoota mudiyerekezi mdho anorothawa
ovenyera wahiyaano (Yakobo 4:7).

Copyright ANGP

4. OKHWA NI KRISTU



4

Ephwanihero elha enasoriha dha mukristu
oyo aphwamnye murendelhe ni ovulhusiwa

kambeene ya okhwa wa Apwiya ni mvulhusa ahu, Yesu Kristu, nave khanakotelha erive elho "nave miyaano nginakotelha erive elho, naari ekina, navethi mwikimanyove wa Apwiya ahu Yesu Kristu, yooyo athomeyiwe kaamba ya elhapo ya vathi." (Agalatiya 6:14). Yesu aakhwa vamwikimanyoni wihina naheenetho "nikhwe omarapwa ahu, nikhalhe ni okumi vothwarani eparipari" (1 Peturo 2:24); mukristu thi ookhwa odheko dha va elhapo ya vathi. Nirina olhelhiwa "nave kirina wuulhelhani wihina muhoolhelhiweke ni munepa waweeleha, nave muhinaholhelhiwa ni dhopaalha dha mwiilhi" (Agalatiya 5:16,25).

Vanipuroni mvo Yesu amakelhelhiwaye emamlhe omurulha dhowara dhaye, nohoonihiva mu ephwanihero elha ya murima, ni miwashupo mdho yamuwasulhalhiwana. Aalhakiwa kaamba ya marapwa ahu; elhako yonikusera hiyaano murendelhe Yam'morelhe olhiyeni; nave ni maviho aye nohongomelhihiwa." (Yesaya 53:5). Herodi ni asuphayi aye yamuroma, nave emamlhe omuwasulha, Yamuwariha yowara ya miiwa Vamuruni Vaye - munipuroni momuwariha yowara ya golide,

nave em'pharelhiha ekopo m'mathani mwaye - munipuroni mwa ekopo ya omwene, emuwaramelha enamunyelha, enihina, "Niwooneni mwene a Ayuda!" Yamuthaphera emwaakha ekopo elhe, emuukutha vamuru. Emamlhe omunyemulha ni omunyambusa, yamuholhelha wi athomeyiwe (Mateyu 27:2731).

Vokhalha amchichi eneriwa Akristu ayo enavekelha, enacha mukonelho wa Apwiya, navetho eniipa machipo a Mulhuku, nave ni merelhiwa oonanara erina omuthomeya mwaana a Mulhuku wiihi (Ahebri 6:6). "Khe arive muthu anihina wamiyaano, Apwiya, Apwiya, anavolhowe mu omwene wa odhulhu; mdho yooyove aweera epalhelho ya athithi aka a odhulhu" (Mateyu 7:21-27).

Mu ephwanihero elha nimnaphwanyavotho murupa wa ekhorowa wa Yudasi, oyo amvelhelhe Apwiya Yesu ni omukulhiha olhiyeni ekhorowa makhumi mararu, mwaha wa mdhivelho na va ekhorowa mno naphamre murimaaye. Muthiko, mikwe, ni dhikina, dhapharihiwa mutheko ni asuphayi vomukusani Yesu em'makilhe nimahiyu.

Yomwetelha mpeya, eyo enamwetelhiwana mpeya, yapharihiwa mutheko ni asuphayi vomwetani mpeya wihina edhuwelhe oyo anakuse dhowara dha Yesu. "Yaakawana dhowara dhaka, vomwetani mpeya va dhowara dhaka." (Masalimo 22:18). Yaakusa erive elho ovenyera wa Yesu, mdho olhiyeni emukhoota, yihina "Khimnampaalha muthu yoolha wihina akhalhe mwene ahu". Athu empaalha wihina yakhelheke dheko dhithedhene ovenyera wa Mulhuku, murimu ni mdhuwa, nave khempaalha wihina emwiwelheke Mulhuku we Apwiya ni Okhalha oowaholhelha. Amchichi, enampaalha Mulhuku wi aakamihereke yakhala m'mavihoni.

"Nave vophiyani wa Yesu, vaavo yamoomniwa wihina akhwilhe Khalhe, Khiyawimthakilhe meto dhaye; nave mukina a asuphayi aamuroma n'nivaka mpararuni mwaye, mdho vaakhuma nikhame ni maadhi. Nave yooyo oomne oherelha onamoona, ni onamoonaaye ori wawaona; nave olhiyoolha amnadhuwelha wihina analhota dhawoona, wihina nanyeenetho mwaroromelhe. Vawi mdha dhahereya, wihina dholembiwa

dhakwakhwanelhe, nikuva na olhiyeni khiniwanimthakiwa. Nave dholemba dhinihinatho, "Enorowa wa olhiyeni yooyo yamunyambusalhiwa." (Yohane 19:33-37). Muthupi ohinimnde, Peturo aamukhoota Yesu oraru wihina Khanamudhuwelha, navethi aathwaruwa vowimndani monyenyiwa murima (Mateyu 26:69-75). Thulhota mwawiweya wihina wovelhelha murimaawo wa Yesu Kristu, m'malhotelho ni merelho awo? Nave apalhe omnoova wi akina edhuwelhe? Yesu aarihina, "Arive muthu oyo anakakhulhelhe vamiithoni va athu, miyaano kinoromwakhulhelhatho olhiyeni vamiithoni va athithi aka a odhulhu. Nave yooyo anakikhooete vamiithoni va athu, miyaano kinoromukhootatho vamiithoni va athithi aka a odhulhu." (Mateyu 10:32-33).

Yesu aarihinhatho, "Nave yooyo ahinakusa mwikimanyo waye, anakithwarelha vatulhi vaka, kham'phwanelha miyaano." (Mateyu 10:38). Oothuwa thiyaayo ephwanyilhe empiiwa mumlhukuni Yesu Kristu !

MCHIPO:

Mlhuku nothalheyathi, kiipithe mweemu!

adhi navetho nikhamemno dhokhuma
m'pararunim'mo, Dhikihuwe m'murimani puu !
Dhikilhipihethi.

Copyright ANGP

5. EMPA YA MULHUKU



Ephwanihero elha enooniha murima waweeleha
ni wohuwawa wa muthu aari amarapwa oyo

avulhusiwe mwa mahalha ni mdhivelho na Mulhuku. Murimaaye thi empa ya Mulhuku, Athithi, Mwaana ni munepa waweeleha, wem'mo alhotelhe Apwiya Yesu Kristu, "Yesu aawakhulha ihina, mukina kamudhivelhaka, anorovitha madhu aka, nave Athithi aka enorodhivelhiwana, mdho n'norowa wa olhiyeni, nave n'noroweesa mwa olhiyeni mwawivithamo." (Yohane 14:23). Mulhuku amnamurihiha, omuthuwiha ni omuwelhiha muthu oweelha mwa Yesu Kristu (Luka 1:52).

Murima vano ori empa ya Mulhuku. Marapwa akumihiwa othe. Munipuroni mwa enama dhohiyanahiyana dhinaholhelhiwa ni Satana, athithi a dhawootha, n'noona munepa waweeleha munepa wa eparipari, orina okhalha m'murimani. Munipuroni mokhalha nipuro novenyera marapwa, murimoolha ori woreera, muteekho apalhe emata eyo eri ni dhawiima, dhawiima dhene dhikhalkaka munepa waweeleha, ehakalhalho, murendelhe, wiyeviha, ovilhelha, wathaneya, ophaama, mroromelho, wivaanya ni dhikina dhemdho dhiri dhawakhelheya ni dhomuhakalhalhiha Mulhuku ni muthu

(Agalatiya 5:22-23). Vano ari yawiima ya muteekho woyara m'midho waphaama — Apwiya ahu Yesu Kristu. Yiipitho ya yawiima yeelha thiyawihina ari oopatana ni Kristu, navetho Kristu ni madhu aye eri mwa olhiyeni (Yohane 15:1-10). Wem'mo abatiziwelhaye ni odhalhiwana munepa waweelelha, okhalha ni ekopholho owana ni dhopaalha dhaye, ni odhiipha (Agalatiya 5:24). Munepa waweelelha sika onaholhelha okumaaye, nave khanakhwelhameera dhopaalha dhaye (Agalatiya 5:16). Naaritho weera dhemdho anoonaye, wiiwa ni wiwelhelha, navethi ni mroromelho — kambeene "nave wu thi okhwaranya, mko nimkhwaranyahuna va elhapo ya vathi." (1 Yohane 5:4). Amkhalha mohikhupanya mwa mroromelho ni machiri vocherelhani owa wa Apwiya Yesu mko wuri vakhuviru. Amkhalha niwakhelha mdhivelho na Mulhuku, mno nirivo elhukulhuku dhithedhene.

"Oothuwa eri aweelha murima; kambeene enoromoona Mulhuku." (Mateyu 5:8). Mwene Davide, ohiya eyuuma ni okhwaranya waye va ekhoto avadhaaye, aadhuwelha wihina ekhoto yuulhupalhi yaari okusa nipuro

m'murimani mwaye mdho vodhuwelhani yeelha, aavekelha, "mukipotokosere murima waweelelha, o Mulhuku; mpotokose murima wokaratheya muwari mwaka." (Masalimo 51:10). Khiivo anawore welhiha murimaaye, naari wipotokosera murima waweelelha, vavove athwaruwalhe ni owa wa Mulhuku we erelhe mwene Davide, omveka Mulhuku wi ampotokosere murima waweelelha mwa olhiyeni. Mulhuku ampaalha wi eere elho ya nanweene mwaweyaano. Opotokosa mwawahuwa, ni mdho munoonanyu wenango dhaphaama, ororomelha dhawootha khiuwaweriha mirima dhanyu okhalha nipuro naphaama na Mulhuku. Olhiye ampalhesesa wihina ukamihereni nyuwaano, kambeene olhokoha, "nave kinorowumidhani maadhi aweelha; navetho owelhihani wuvenyiherani dhonanara dhanyu dhithedhene, ni maphwanihero anyu matheene. Nave kinorowimnyani murima musha ni mupuwelho masha, ni ohiya murima musha muwari mwanyu; nave kinorovenyiha murima wa mlhuku m'mwilhini, ni owimnyani murima wa muhehe. Kinorowimnyani munepaaka muwari mwanyu, ni owetihani m'madhu aka; mdho munorovitha malhako aka ni oweera."

(Ezekieli 36:25-27). Olha thi mutchaka wa mlhakano na nanweene oyo onimnyalhe Mulhuku oweelha mwa mwanaye, Yesu Kristu.

Mu ephwanihero elha nirimawoonavotho mungelo wiilhiwa. Angelo yatholhiwe wihina "eweherereke yaayo enamuriiha Apwiya ni wasupaara awoova Apwiyaalha odheko dhawoopiha." (Masalimo 34:7; 91:11; Danieli 6:22; Mateyu 2:13; 13:39; 18:10; Machitidwe 5:19; 12:7-10).

Mudiyerekezi arinawooneyatho mu ephwanihero elha, iimemlhe mwawatamelha murima, opaalha wihina avolhowe munipuroni naye nakhalhe wiilhi. Kaamba yayeelha nirina olhehiwa wihina "Khalhani miitho, cherelhani, mwitani anyu mudiyerekezi, arina othuruma wenango phodogoma, arina weteeta ni washaasha mukina wi am'phorihe." (1 Peturo 5:8). Aniphwanelhiha we mungelo a eparipari, oweesa aana a Mulhuku wi erapweke ni dha va elhapo ya vathi, weseesa, ni olheka waye, waalheka athu ootholhiwa a Mulhuku. Vawi, narimi, nimukhootaka mudiyerekezi, anorothawa ovenyera wahiyaaano. (Yakobo 4:7).

6. EPHWANIHERO YATHANU NI EMODHA



6

Ephwanihero elha thiyawiwihha etakarakha
ya muthu oohokolwelha mutulhi. Niitho

nikina nohaamba owalheya, ohaamba orirya va okumaaye wa ekristu, vaavo niitho nikina nirina owehaweha ni woon a dha mu elhaponi we dhaphaama. M'murimani mohaamba epiphi, ni ephwanihero m'murimani mwaye, mdho dhooniha wihina arina weeta ni Kristu, dhomora navetho khidhimemlhe phaama. Ari awaphelhiwa ni meesero ayo arinaye owaakhelha munipuroni mowakhoota. Munipuroni momwiwelha Mulhuku anamwiwelha mudiyerekezi ni malhakano aye awootha. Nariive ayaaka ochalichini, withiha wi ahidhuwanyeye wihina thi oohokolwelha mutulhi, nave mdhivelho naye ni Mulhuku norirya m'murimani mwaye. Vano ari oohikaratheya, amkhwelha meera erive elho. Ohaamba weera dha va elhapo ya vathi, nave anakhwelha maphwanihera wi amnadhivelhiwa ni Mulhuku. Ethenderi m'murimani mwaye, mroromelho naye, dhithedhene dhookhwa. Mwikimanyo khanawukusa ni ehakalhalho, vano ohaamba ohathaneya, mutokoma wohaamba omunyeelha. Mroromelho naye nohaamba otikheya, ohiimesa ovekelha wa Mulhuku, khamnana mutheko naari opwathawo m'mo okhalhelhe murimaaye, vang'ono ni vang'ono

ohaamba omwimnya mudiyerekezi nipuro oyo anamutiyera othe wa murimaaye. Ohaamba waathana ni athu amarapwa ohiyana ni aana a Mulhuku.

Epalhame ya enthiwatiwa, eyo enimelhelha okota, yohaamba opaalha wi evolhowemo wiilhi. Otiwala wihina avulhusi ni mahalhave, navetho ari mukristu ookota. Owirya wohaamba opaalha owamo wiilhitho. Thukhalhavo eyo yerihalhe, apalhe akhwaaye amarapwa, vawihina enawerekehina olhiyeni ari oohiyana ni akhwaaye, apalhe wihina thi oombwambwaana,

apalhe oohathaneya, apalhe volhelhiwani ni Mudiyerekezi wihina eemre omodhave thukhalhave mukristu. Dhawera dhaye dhohaamba wooneya we dha muthu a othe. Apalhe ohaambatho olhota dha oyere, niwaambatho oweha ephwanihero (dhojambula) dhonanara, waamba weetatho ni akhwaaye oonanara, oya o empa dhawinelhamo, dhohakalhalhiha dha mu elhaponi, okhalha ni mupuwelho oonanara ovenyera wa mudiyerekezi oyo anamulhelha wihina arive muthu amneera dhonanara

niwihiina mrapwa ning'onong'ono khiniri
nonanara.

Volhotani dhawoona, yonanara ni mupuwelho oonanara khenapoosa owa m'muruni, mdho orapwa wuri vawakhulhelhani dhekondha wihina dhimake emphuru dhiwa m'mirimani dhahu, nnakumiha othe merelho oonanara. Namwimnya mudiyerekezi nemphini ahu, mdho anorophara muwono mutheene, okusa okumi ni munepa ahu oyaana ogehenani. Dhiidho olhokoha wa Mulhuku wa hiyaano thiwawihina, nihinapwathaka dha ezombwe ni ohitheelha ni mrapwa, khidhimna mutheko wihina n'nawa mwawidhe. Thawelhani wa Yesu, oyo ananivitha ni onakiha.

Muthu oyo anooneya mu ephwanihero elha ahomaka murima ni mwalho, animelhelha yaayo enaroma ni okhootha ekristu. Malhumi ni eyano dhiwa dhawootha emnukhulhana ni ophorihana mirima dha akristu — ni mukristu oohilhipa khani avilhelhe. Amnaamba owoova athu ohiyana ni Mulhuku navetho kambeene yawoova dholhota ni dhaweera muthu, ari kapor a athu, dhemandho dhimuhiyalhe witeete ni Mulhuku. Ohivilhelha ni osha murima dhinooneya

elhukulhuku dha maviho ni dhawukhulha, sika dhinooneyiwa. Ehache, enooneya mvo akhwaaye enakhalhiwa ni dheko dhaphaama ohiyana ni olhiyeni, navethi dhavirelhelha, amnaamba okota ni owiita akhwaaye.

Thidhokhweya wihina mirima dhahu dhaambe odhivelhiwa ni ekhorowa vavove niwemlhe dhemdho alhotilhe Yesu wihina, "Vekelhakani wihina muhinesiwaka." (Mateyu 26:41). "Kambeene yooyo anoona wihina ari oolhipa, aweherekewo wi thumora." (1 Akorinto 10:12). Vim'phwanelha wihina niware dhowara dha osuphayi dhithedhene dhemdho animnyalhe Mulhuku, wihina nawore olhipana n'nengoolhe a mudiyerekezi (Aefeso 6:11-18).

7. MURIMA WOHOKOLWELHA MUTULHI APALHE WOHIPAALHA OTHWARUWA



Ephwanihero elha enupulhulha dha murima wa muthu oohokolwelha mutulhi, yooyo aari weeta ni Mulhuku alhawihaka dha odhulhu niwakhelha yawiima ya munepa waweeleha, nave atathilha mroromelho naye (Ahebri 6:4). Enoonihatho murima wa muthu yooyo ahirukunuwalhe murima apalhe ovelhelha murimaaye wa Mulhuku, vohipwathani eparipari ya mutchaka, oyo oneeriwa "Mutchaka waphaama", wolhalheyiwa wa olhiyeni. Muthu yooyo anum'miha murima Mulhuku alhotilhena, anakhwelhamavirelhelha onanara kambeene khamna ekopholho dhawi ipotokose yekha.

Yesu aalhota mwanenaye dha muthu oohokolwelha mutulhi wihina, "Viriveeko munepa wonanara wakhuma mwa muthu, omnakhwaranya mapuro yaayo ehimna maadhi washaasha nipuro nikina; nave wahiphwanyaka omnalhota, kinahokolwelhe wemko kakhumalhemiwo; mdho vophiyani, onayiphwanya yoshelhiwa ni yopotokosiwa phaama. Wedhiidho omnaya wakusa minepa dhikina thanu ni miilhi dhokhwaranya olhiwani onanara wene; nave dhimnavolhowa dhikhalkaka mwa olhiyeni; mdho merelho a

muthulha emkhalha oonanara okhwaranya awaambayo." (Luka 11:24-26). "Dhereyilhe wa alhiwani dhimnooniha wihina madhu thi awoona; 'mwanapwa ohokolwelha o marapheyo aye' ni 'ekumba eyo yahapilhe yohokolwelha o matokwini.' " (2 Peturo 2:22).

Madhu yaalha emnathopoolha mwawiweya phaama dha muthu oohokolwelha mutulhi apalhe muthu oohirukunuwa murima. Mrapwa mwawiitha nohokolhowa nikhalhaka wiilhi m'murimani. Naari ekhovaaye emnamudhuwanyeyiha, mu ethilha ekina, m'mo okhalhelhe murimaaye. Munepa waweeleha, oyo ori enkhunda, orina okhuma ohiya murimaaye, kambeene mrapwa ni munepa waweeleha khidhinidhakhalhelhe vamodha. Thidhohiworeya wihina murima wa muthu okhalhe empa ya Mulhuku ni okhalhatho empa ya Satana. Mungelo, madhu a Mulhuku, arina okhumamo mwawiwa etakarakha, arina owehatho mutulhi, ororomelha wihina apalhe thuthwaruwa wenango mwaana ootathiya, yooyo "apamlhe avonihalhe erukulhu ni makatha ayo yacha ekumba, nave khaarivo oyo amwimnyalhe yoocha. Nave vaavo

upuwelhaye m'murimani aarihina, 'amutheko amchichi a athithi akhalhana yoocha yimchichi, mdho miyaano kikhwe wuno ni ethalha? Kinorotimulha kiye wa athithaaka, kalhotena, thithi, kaarapwelha odhulhu ni vamiithoni vanyu; ngiri oophwanelha weriwa mwaninyul" (Luka 15:16-20). Athithimnya, vomoonani mwaniwa oyo iwiha etakarakha, yamukhurumuwelha emwakhelha mohakalhalha.

Murima mu ephwanihero elha khonooniha wihina wothwaruwa, khompaalha oya wa Mulhuku, naari washaasha okhurumuwelhiwa vamanyalhoni a Yesu. Mupuwelho aye eriwenango yoosiwe ni mukoko wooviha nave aakhwatho. Okhalhana maaru nave khanawora wiiwa madhu a Yesu. Okhalhana miitho nave khanawora woona wihina mko anayaye wokhalha gehena. Khananyonyiwa vawerani marapwa. Satana oowa anokolhelha murimaaye nave okerathi va ethekoni we mwene. Vano muthulha amnakota kaamba ya orera waye ni oriheya waye, apalhetho mwaha wokhalha oovekelha, we nihame norerihiwa othe "mahame oowaka, ayo enooneya Phaama othe wene, nave

muwarim'mo muri makhuvave a anamakhwa ni dhonanara dhithedhene. (Mateyu 23:27).

Athithiwa a dhawootha okusa nipuro na munepa wa eparipari. Erive enama, nirive mrapwa ni munepa wonanara dhovolhowa m'murimani mwaye. Narive esesaka wihina ithaphulhe ovenyera odheko dhonanaramda, dhom'makave olhiyeni. "Arive muthu oyo ahiwelha mlhako na Mose aamiphiwa Vohimwerelhani etakarakha aphwanyeya oorapwa variyari va anamoona elhi apalhe araru. Thimwawidhe, vano, ni muthu oyo ananyemulha mwaana a Mulhuku? Oyo anavevusa nikhame na mlhakano na Mulhuku nemno n'nanelhiha omarapwa ahu, ananyemulha munepa wamahalha. Ngupuwelhani analhakiwe mwawidhe muthu yoolha?" (Ahebri 10:28,29; 2 Peturo 2:14).

Apalhe ephwanihero elha thulhikana ni murimaawo, mukhwaawe, mndelha wa Mulhuku veneva, ovenyera vathi vamurimaawo. "Olhiyeni ari oowora, veneva ni elhukulhuku dhithedhene, ovulhusa yaayo enawa wa Mulhuku oweelha mwa olhiyeni" (Ahebri 7:25), navetho ari oowora ni

oopaalhatho okhurumuwelha marapwa
matheene, wathwaruwa mwawoona. Olhiyeni
thumwikara mudiyerekezi ni amurumwa aye
atheene, ni wakumiha othe wa murimaawo,
warimi opaalhaka wihina awerelhe dhemdho.
Waani we amareta oyo awiilhe wa Yesu
niwiinhina, " 'mwarimi mpaalhaka,
thukipotokosa miyaano'. Yesu aaphariwa ni
etakarakha, nave aathapurusa muwono
am'phara. 'Kimnapaalha', Ahakhulha.
'Potokoseya!' " (Mariko 1:40,41). Mdho
wawum'mihakave murima, ni odhivelhiwa ni
epiphi ohiyana ni omolhelha, khomna
mroromelho, naari nikamihero, kambeene
orina othoolha okhwa munipuroni mwa okumi
— "yolhivelha ya mrapwa - thi okhwa."
(Aroma 6:23).

8. OLHAKIWA WA MUTHU AMARAPWA




Mva n'noonavo wihina muthu awum'miha
murima oyo ahiyalhe omuthwara Yesu,

arina watamelha okhwa. Okhwa owiilhe elhukulhuku yeeyo ahicherelhaye naari opaalha. Mdho oonaye we dhodhiva khidhivotho, nave anaya aakhelhe yolhivelha ya nirive mrapwa nemno emraye. Ohaambatho odhuwelha wihina anaya ogehenani. Narive apalhaka ovekelha, anaphwanya wi khidhiworeya wi alhote ni Mulhuku yooyo akhamlhey akhootaka mdhivelho naye elhukulhuku yimchichi. Akhwaaye erina woova wi emwatamelhe, ni madhwiwa oohikhala ni mutheko kheni yamukamihere. Eyamaaye kheni yarakamihe okumaaye, naari ovulhusa munepaaye, naari oyeviha ovoreya wemko oniiwa munepaaye. Anaphwanya wihina thidhohiworeya wi aangelhelhe va Mulhuku kambeene mudiyerekezi khanamwimnya ekari yawi eere dhiidho.

Erive elho yamudhivelha ni oyiroromelha, enooneya we em'mamutheya, naari ahudhihi aye oohivulhusiwa, ansembe apalhe athekewene a mpingo Kheni Yawore omukamihera, vawi aakhoota mdhivelho na Mulhuku nave anaya alhakiwe.

Ohaamba wupuwelha wihina "thidhawoopiha omora mumnatha na Mulhuku a okumi!" (Ahebri 10:31). Aakusha ovelhelha okumaaye wa Mulhuku aariye ni elhukulhuku, apalhe avoriwaaye, mdho vano anaphwanya wihina dhomvirikana. Ezikwi dha athu dhinakhwa dhihicherelhaka, voramani ekari yoowa wa Mulhuku vokhwani. Sika thidhaphaama orukunuwelha wa Mulhuku vaavo ariye vakhuviru. Munipuroni mwawiiwa madhu ookhurumusa murima ni oovulhusa a Mulhuku, namakhwa amarapwa olha oyo akhotilhe okhurumuwelha ni mdhivelho na Mulhuku elhukulhuku ya okumaaye vano arina wiwa madhu a oomwipa mulhatwaye, mvulhusa oyo amukhootilhaye, yikihina "khawe mko, we oothuperelhiwa ni Mulhuku! Khawe omumndoni wohimalha oyo wapotokoseriwelhe mudiyerekezi ni amurum'mwa aye!" (Mateyu 25:41). Arive muthu anaakhwe omodha, nave dhedhiidho iipiwe mulhatu ni Mulhuku." (Ahebri 9:27).

9. MURIMA WOKHWARANYA



9

Ephwanihero elha enimelhelha mukristu oyo
aari ororomelha navetho akhwaranya

meesero oovoreya. Mvo aariye wesiwa, aari wimelha molhipa ophiyera omamalhihelho, ookhwaranya oweelha mwa Yesu Kristu. Ohikhalha wihina aarimoona ovolhowa ekristu, mdho arina okhwaranya, othamaka molhipa, "Ohiya miitho aye va Yesu, vayooyo nimroromelhahu ovenyera omaambelho ophiyera omakuthulhelho." (Ahebri 12:1,2).

Satana ni amurum'mwa aye eri mwawaphelha murima wororomelha, wesesa mohikwanelha wihina emukombihere mwaana a Mulhuku ethilha yonanara. Okota, mdhivelho na va ekhorowa, dhonanara n'dhikina, dhirina wimelhelhiwatho. Munipuroni mwa namthavi n'noonavo bulu, ophwanihera wihina mrapwa nimnawatho mu ethilha dhohiyanahiyana, ni odhithiha wekhiwiwa m'moonelho apalhe mdhina nikina. Nave mukristu a eparipari amnadhuwelha wihina thi mrapwa naari niwaaka mu mdhina na ekristu, apalhe wenango mungelo a eparipari, kambeene madhu a Mulhuku ni munepa waweeleha dhirina omuholhelha olhiyeni mu eparipari. Muthu, oyo apharelhe ekahi ya otheka mumnatha naye

nikina, arina wiina am waphelhaka mukristu ni wesesa wihina amulheke n'dheko dha va elhapo ya vathi. Khidhimna mutheko, ni vang'onove, wa mukristu awoona, oyo akhwilhe vamodha ni Kristu akhwakatho odheko dha va elhapo ya vathi. Muthu anephiilhi mu ephwanihero, arina omuhoma mukristu ni mwalho. Onyemulhiwa, olhotiwa, oromiwa ni apalhe wopopihawa oweelha mwa athu oohivekelha — ni apalhe oweelhatho enadhiithwa oororomelha — erina ohoma murima wa oororomelha mwawoona. Nave khaniwesera dhemdho dhimlhotiwamdhho am'pwatha analhota Mulhukuve. Arina wupuwelha madhu a Yesu. "Oothuwa murinyeene munanyemulhiwe, yuhosakani, yulhotelhakani dhonanara dhimchichi kaamba ya miyaano. Theyelhani, hakalhalhani: kambeene yawakhelhanyu thi yuulhupalhi mudhulhu: Vawi vawerani dhiidho yahahoosa anamalhotelha yaariwo nyuwaano muhinayariwe." (Mateyu 5:11,12).

Dhopalha dha mwiilhi ni mudiyerekezi, dhirinawesesa wihina dhim'mwalhanihe mukristu ni mdhivelho na Mulhuku. Nave ni ehakalhalho yuulhupalhi ni mroromelho

thulhota wihina "Ananimwalhanihe thani ni mdhivelho na Kristu? Maviho apalhe, apalhe osiwa, apalhe dhawoopiha, apalhe wiiphiwa nave?" (Aroma 8:35). "Ata, mudhithedhenemdha nirina okhwaranya oweelha mwayooyo anidhivemlhe hiyaano!" (Aroma 8:37). Vowarani dhowara dha esuphayi dha Mulhuku, olhiyeni thukhwaranya mesero a mudiyerekezi mlhapo na mesero naphiya, owanana ophiyera omamalihelho, okhwaranya oweelha mwa Kristu, yooyo khwaranyilhe mesero matheene ni waakhelha mthuvo nemno khiniwa nimalha (Aefeso 6:10-18; 1 Peturo 5:4).

ETHENDERI : Ethenderi ya mpuwelho aye eri yawooneya ni yomolhelha. Murimaaye ori wodhalha ni mroromelho owaaka munepa waweeleha. Mungelo, oyo animelhelha madhu a Mulhuku, arina omupusa dha marelhelho yaayo enavelhelhiwe wa yaayo enalhipihelhe ni okhwaranya ophiyera omamalihelho. "Wa yooyo anakhwaranye kinoromwimnya wihina ache dha omuteekhoni wa okumi yooyo ori m'paradaizoni a Mulhuku". "Olhiyeni anaakhwaranye khawa eriwa Yonanara ni

okhwa wanepiilhi". "Wa olhiyeni ookhwaranya, kinoromwim nya mana oovitheya, nave kinoromwimnya mlhuku naweelha, nivamlhukunivo ndhina nisha nilembiwevo". "Nave yooyo anaakhwavanye, ni yooyo aneera mitheko dhaka ohiyera omamalhihelho, wa yooyo kinoromwimnya ekopholho dholhelha a malhoko a othe". "Yooyo anaakhwaranye anoromuwariha dhowara dhaweelelha; ngiwa kivenyiha mdhina naye m'bukhuni a okumi, mdho kinorowakhulhelha mdhina naye vamiithoni va Athithi aka, ni vamiithoni va angelo aye". "Olhiyeni ookhwaranya, kinamweese opoto a empa ya Mulhuku aka, mdho khawa akhumamo". "Olhiye ookhwaranya, kinoromulhelha akarathi ni miyaano va ethekoni ya omwene waka, we m'mo kakarathelhe miyaanotho, kakarathi ni athithi aka va ethekoni ya omwene waye." (Chibvumbulutso 2:7,11,17,26; 3:5,12,21).

MURUPA WOHULHEYEA WA EKHOROWA :
Olha onooniha wihina khemurimayeve, navetho ekhorowa dhaye amnadhivelhelha wa Mulhuku. Munipuroni momwara ekhorowa dhaye, arina okamiherana ohoowa, ovelhelha

yanekhumi yaye (va ekhorowa anavenyihavo emodha) ni dhovelhelha dhamahalha apalhetho erive elho arinaye, odhivelhelha wa Mulhuku, ophariha mutheko erive elho va mutheko wa Mulhuku.

ESIMA NI EHOMBA : Dhemdha dhinooniha wihina amnakhalha okumi waweelelha ni wawiphara. Khamnanariha okumaaye ni owirya otheka apalhe ni ocha yoocha yonanara (Machitidwe 15:20). Khanamwara ekhorowa dhaye, naari onanariha mwiilhi (yooyo ori empa ya Mulhuku), vomumkhani naari omumbelha soolha, apalhe ophariha mutheko mirete dhawaphelhiha muru apalhe mirete dhonanara, navethi anacha yoocha yaphaama, yaweelelha, ni yophara murima. Murimaaye ori empa yovekelhelha. Arinatho othukumana m'milhoko dha mavekelho wiiliwiilhi ni moriiha, vohipwathani nim'mo wuselhe othe. Ari oodhivelhiwa n'nivekelho, mu empa ya Mulhuku apalhe n'nibanja naye, apalhe mpa mwaye, kambeene amnadhuwelha wihina mukristu khani umnuwe ahilhutelhelhanaka ni Mulhuku mu nivekelho.

BUKHU OOHULHEYA : Olha anooniha wihina Baiburo ari oohulheya wa olhiyeni,

nave arina omwelenga ni omuhudhera nirive mlhapo, ophwanyamo ezelu ni ekopholho, okumi ni omolhelha, eyuma yoheelengaya. Ari wenango muthiko wom'molhelha olhiyeni ni mwalho wophorihelhana mudiyerekezi. Thi yoocha ya nirive mlhapo ya okumaaye, maadhi oomalhihana mthona naye, mohapelhamo m'mo anadheelhihelhayemo yeekha, n'nigalasi m'mo anadhoonaye yeekha.

Amnadhivelhiwa okusa mwikimanyo, kambeene amnadhuwelha wihina khiwuwa wukhalha mthuvo vohikusani mwikimanyo. Vodhuwelhani wihina oovenya ni Kristu sikamdhō arina okhalha okumi musha, murimaaye ori va dheko dha odhulhu, mdho anupuwelha dha wemkove, ohikhala wupuwelha dha dheko dha vathiva (Akolose 3:1-2). Ari awithokothera okumana ni Mulhuku, nave ari wenango muteekho yooyo ori museresere mwa muhinje; oyo oniima mu elhukulhuku yaphaama (Masalimo 1:3); wenango muteekho wa mpesa, wawiima dhimchichi. Kanoova okhwa, kambeene mdhivelho na Mulhuku, nemno akhemlhaye

oweelha mwa munepa waweeleha, nodhalha
m'murimani mwaye.

Copyright ANGP

10. MUKWAHA WA MARELHELHO WOOYA OWAANI



10

Yesu aarihina, "Kiri ovenya ni okumi. Yooyo anaroromelha mwa miyaano anorokhalha mukumi, naari akhwilhe; ni yooyo ari mukumi anaroromelhatho mwa miyaano khawa akhwa." (Yohane 11:25,26). "Yooyo aniiwa madhu aka ni omuroromelha yooyo akirumalhe okhalhana okumi wohimalha. Khawa alhakiwa, navethi avenyere omakhwelho aya o'okumini." (Yohane 5:24). Okhwa khiwimna ekopholho va mukristu. Okhwamko womiryiwa vokhwaranyiwani. Okhwaweh okhwaranya wawo ori wuuwi? Nave ekopholho ya okhwa sika mrapwa; nave ekopholho ya mrapwa sika mlhako: nave ariheyne Mulhuku, oyo animnya okhwaranya mwa Apwiya ahu Yesu Kristu!" (1 Akorinto 15:54-27).

Muthu yooyo aneeta ni Mulhuku khanoova okhwa. Elhukulhuku yaphiya yawi akhwe, anarowa ahakalhalhaka, we m'mo atakhelhe murum'mwa Paulo, "nave kirina ohosiwana piilhim dha, vopalhani kivenyilhe kakhalha ni Kristu, sika dhaphaamathi." (Afilipi 1:23).

Mukristu anapaalha wihina oone ekhove ya Yesu, yooyo amukhwelhe ni olhivelha marapwa aye vamwikimanyoni. Munepa

waweeleha omnamupusa olhiyeni dha madhu
a Yesu, "murimaanyu ohikhupanye;
roromelhani Mulhuku, kiroromelheni
miyaanotho. Mpa mwa Athithi aka
mokhalha mapuro mamchichi ...
Kinorohokolhowa wihina kukuseni, wi
mwakhalheke wemko kinakhalhekemiwo."
(Yohane 14:1-4). "Dhemdho niitho
khinoonilhe, ni maaru wiiwa, ni ohivolhowa
m'murimani mwa muthu, thi dheko dhemdho
Mulhuku aapotokosereye yaayo
enamudhivelha." (1 Akorinto 2:9). Kheyiivo
elhotelho elhapo ya vathi eyo enawore
opotokosa oreera wa elhapo yeeyo
yapotokoseriwelhe yaayo enamuthwara Yesu
vathiva.

Munipuroni mwa makhuva (a muthu
ookhwa), mungelo apalhe murum'mwa a
Mulhuku arina wooneya mu ephwanihero elha
yomalhihelha. Arina ocherelha wihina akuse
munepa wa muthu oyaana wa Mulhuku.
Okumi ni munepa dhokhuma m'mwilhini, oya
odhulhu wa Yesu yooyo amudhivelhe ni
omukhwelha vamwikimanyoni. Wakhelhiwa
waphaama wurina omucheera vamiithoni va
Mulhuku wemko anereye alhochelhiwe ni

Pwiya aye ni madhu alha, "Woheera phaama, mulhipamutheko aphaama ni oororomelheyawe!... waawo nihakalhalhe!" (Mateyu 25:21). Khanaholhelhiwatho ni Satana, kambeene "Nave oovekoyo aakhwa, akusiwa ni angelo akhalha wemko waari Aburahamu; nave mulhipa eyuumoyo aakhwatho, avithiya m'mahame." (Luka 16:22). "Nave kahiiwa madhu oovenyera odhulhu, elhotaka, lemba, oothuwa ookhwa ekonaka mwa Apwiya, wambeelha veneva; sikathi, orina olhota munepa, wi yamaalhe omavihoniwa; vawi mitheko dhiwa dhinathanana vamodha." (Chibvumbulutso 14:13).

MLHOKOHO NOMALHIHA

Mukhwaaka awelengawe, Mulhuku ukamihere wihina omwimnye murimaawo yooyo wamudhivelhe, vawi arina olhota veneva waweyaano wihina, "Hokolwelha wa miyaano ni murimaawo mutheene." (Deutoronomo 30:2). Mwimnye Yesu murimaawo wowahaya, wohiroromelha, ni woneena mdho anorowimnya murima wanaweeene ni mpuwelho masha. Ohinothothiwa ni murimaawo wolhekoyo apalhe othwarelha dhopaalha dhiwa, kambeene "muwari mwene mwa mirima dha athu, mumkhuma mpuwelho oonanara, ayo enamuholhelha muthu weera dhonanara..." (Mariko 7:21). Hiyani marapwa anyu niweera dhaphaama, "vawi yolhivelha ya mrapwa thi — okhwa; nave yovelhelha ya mahalha ya Mulhuku thi okumi wohimalha mwa Yesu Kristu Apwiya ahu." (Aroma 6:23).

Mdho weene ovelhelhe murimaawo wa Mulhuku, "Pharesesa dhawoona dhemdho wiwalhewe wa miyaano, mwa mroromelha ni mdhivelho dhemdho dhiri mwa Yesu." (2 Timoteo 1:13). Kambeene yayeelha Paulo aalembatho mu 2 Timoteo 1:12, "Vawi

kimnamudhuwelha oyo kimuroromelhem, nave kothuvuwa murima vodhuwelhani wihina arina owehera yovitheyeyo ophiyera mlhapomne". Khalha oororomelha Mulhuku, vekelha mwa ekopholho dha munepa waweeleha, ivithe weekha va mdhivelho na Mulhuku, voohiyani miitho awo va Yesu, ethilha, eparipari ni okumi, Pwiya ahu oyo anahokolhowe nanweene vaava waakusa anaaye — "mwene a mamwene ni Pwiya a apwiya." (1 Timoteo 6:15).

"Nave wa olhiyenu oyo anawuchereni wihina muhinukhulhiwa, ni owimesani vamiithoni va marelhelho aye ohikhalha n'nipamba mu mdhivelho naye, wa Mulhuku a olhiyenive, mvulhusa ahu, mwa Yesu Kristu Apwiya ahu, wukhalhe marelhelho, othekwene, ekopholho, ni oholhelha elhukulhuku dhihinaambe, ni veneva, ni ophiyera elhukulhuku dhithedhene. Amen" (Yuda 24,25).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.anqp-hb.co.za or as an APP "Heart of Man" on Android phones.

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de www.anqp-hb.co.za ou comme une Application "Heart of Man" sur telephones Android.

Este livro "O Coracao do Homem" e obtfdo em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de www.anqp-hb.co.za ou como um aplicativo "Heart of Man" nos telephones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracteristicas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradeciamos que nos contacta-se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangélique. Votre aide sera beaucoup apprécier.

Si vous avez trouvé le salut en Christ ou si vous avez été bénis par notre littérature, nous vous prions de nous le faire savoir. Nous aimeraisons remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras linguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faça o favor de nos informar. Pois nos gostaríamos de agradecer a Deus juntamente convosco, e lembrá-lo sempre em nossas oracoes.

**For free Gospel literature, books and tracts in over 538 languages,
write to:**

**Pour obtenir gratuitement de la litterature evangelique, des livres et
des traites en plus de 538 langues, ecrivez a:**

**Para obter gratuitamente a literatura evangelica, livros e folhetos em
mais de 538 lfnguas diferentes escreva para:**

www.anqp-hb.co.za

info@anqp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de litterature evangelique financee de
dons

Missao de literatura Evanqelica financiada por
donativos

(Reg. No. 1961/001798/08)

**The “HEART OF MAN” books can be viewed and downloaded
using the following link:**

www.anqp-hb.co.za